


Seni Preseten
Dieter F. Uchtdorf

Aruemonun Chon Aninis
non ewe Aewin Presetensi



Awesano ren Om Saram mi chok Tin

Non Greece non fansoun noom, chon saa ra fiti ew kitir itan *lampadedromia*.¹ Non ewe kitir, ekkewe chon saa ra kamoch efoch saramen ton mi ku me ra ngeni ewe pwan emon chon saa tori ewe saingonan a feino ren muchunon.

Ewe win ese no ngeni ewe team a kon mwtir—nge a no ngeni ewe aewin team ra tori muchun ewe kitir nge mi chok tin ar ewe saramen ton.

A wor ew poraus mi aucheanap sipwe kao ikkei ia, ew mi katou me ren soufosun nom me soufosun ikenai: ewer a auchea ach sipwe poputani ewe kitir, nge a kon nap auchean ach sipwe awesano ren ach saramen ton mi chok tin.

Solomon a Poputa non Pochokun

Ewe King Solomon i emon awewen usun emon a poputa non pochokun. Nupwen a kukkun, a “tongei ewe Samon, o a pwan apwonueta anon seman we David” (1 Kings 3:3). Kot a pwapwa ren me a apasa, “Met ka mochen upwe ngonuk” (1 Kings 3:5).

Ese pwan tingor pisekisek are manauetam, Solomon a tingor “mirit pwe upwe tongeni emweni noum kewe aramas, non wenechar o upwe sinei met mi och me met mi ngaw” (1 Kings 3:9).

Kot a kon pwapwa ren ei iwe a efeiochu Solomon esap chok ren mirit nge pwan pisekisek ese kouk me manauetam.

Nge ina mo pwe Solomon a fokkun mirit me a fori

chommong mettoch mi napanap, ese awesano non pochokun. Netipengauan, mwirin och fansoun, “Solomon a tipis ngeni ewe Samon, o ese chiwen anneasosich ngeni ewe Samon” (1 Kings 11:6).

Awesano Pwisin Ach Kitir

Fan fite sia poputani och mettoch me sise awesano? Kekis? Kokkotun taiso? Kokkotun annea pukefel iteitan ran? Ekiekin anapano ach tapweno mwirin Jises Kraist?

Fan fite sia kan fori ach kokkoten ier mi fo non January me sia tiniken ne fiti ewe kokkot ukukkun ekkoch ran, are ekkoch wiik, are fen ekkoch maram me sia chok tori October, me ewe pwichikaren ach tiniken a chok patapateno?

Fan ew ua katon echo sasingin emon konak a chok kokkon ren echo taropwe a kamwei. A mak, “Setifikentin ei Konak mi Anneasosich.”

A ina usun kich fan ekkoch.

Ach mochen mi pung; sia poputa non pochokun; sia mochen aochueno pwisin kich. Nge non wesinon sia nikitano ach kewe kokkotun siwin ra kamw, poutuno, me sia menukireno.

A ina usun aramas repwe turuno, kuf, me fan ekkoch repwe mochen fangeta. Nge ren kich chon tapweno mwirin Jises Kraist, sise chok pwon pwe sipwe poputani ewe kitir nge sia pwan pwon pwe sipwe awesano—o poputani fengen me ach ewe saramen ton mi chiwen saramaram tinan. Ewe Chon Amanau a pwon ngeni noun kewe chon

kuno, "I ewe epwe nikitu tori nesoponon, iwe epwe manau" (Matthew 24:13).

Mut ngeni ei ai upwe awewei usun an ewe Chon Amanau pwon fan itan ranich kewe: Ika pwe sipwe anne-asosichi An kewe annuk me awesano ren ach saramen ton mi chok tin, sipwe angei manau ese much, minne mi ewe nifang seni Kot mi nap seni meininis (nengeni D&C 14:7; nengeni pwan 2 Nifai 31:20).

Ewe Saram Ese Tongeni Kununo

Fan ekkoch mwirin a turuno, kuf, are fangeta, sia ne-tipengau me sia ekieki pwe ach saram a kun me sia kuf non ach kitir. Nge ua pwarata pwe ewe Saramen Kraist ese tongeni epwe kununo. Mi chok tin non ewe pwinin mi fokkun kiroch me epwe asaramasefanni netipach ika pwe sipwe sapei neitpach ngeni I (nengeni 1 Kings 8:58).

Ina mo ika fan fite are fen ifa ukukun towawen ach turuno, ewe Saramen Kraist mi chok fokkun sarameno. Ina mo ika non ewe pwinin mi fokkun rochopwak, ika sipwe fetan ngeni I epwe asarameno ewe kiroch me attina sefanni ngunuch.

Ei kitir esap ew kitir mi moch sipwe chok akkamuch non; a ew kitir mi tam. Ese nifinifin usun ach mwitir. Ennetin, sipwe chok kuf non ewe kitir ika pwe sipwe fangeta.

Ika pwe sipwe chok feita me feino ren ewe Chon Amanau, sia wineni ewe kitir ren ach kewe saramen ton mi chok tin.

Ewe saram esap usun kich are usun met sia fori.

A usun ewe Chon Amanauen ewe fonufan.

Me a ew saram ese tongeni kisino. A ew saram mi asarameno ewe kiroch, echikara ach kinas, me mi chok tin non ewe anonnonun netipengau me kiroch mi nap.

A ew saram a nu seni ach tufichin wewe.

Amo emon me emon kich sipwe awesano ewe ann sia fen poputani. Me ren aninnisin ewe Chon Amanau me Chon Angaseno, Jises Kraist, sipwe awesano ren pwapwa me ach saram mi chok tin.

ESINESIN

1. *Harpers Dictionary of Classical Antiquities* (1898), "Lampadedromia," www.perseus.tufts.edu/hopper. Pausanias a awewei usun pwan ew sokkun kitir minne ekkewe chon kamoch ewe ton, emon seni ew me ew einang, rese ngeni pwan emon ar we ton. Nge *lampadedromia*, ewe emon a akkom tori wesinon ewe kitir ren an saramen ton mi chok tin.

AFANAFAN SENI EI PORAUS

Ekieki usun om kopwe anisi ekkewe aramas ka aitir pwe repwe ekieki usun ia ra nom ia non ewe "kitir" an manau. Ar saramen ton mi chok saramaram? Ka tongeni anneani ewe kapas mi mak pwe ewe Saramen Kraist a "ew saram mi asaramano ewe kiroch, echikara ach kinas, me mi chok tin non ewe anonnonun netipengau me kiroch mi nap." Mwirin kopwe ekieki ika pwe kopwe poraus ngeni ekkewe aramas ka osukuna won ifa usun ewe Saramen Kraist a amokutu manauer me noom me ifa usun a amokutu manauer iei.

SERAFO

Asarameno om Saram: Ewe Kottun 30-Ran

Fan itan ekkewe serafo non ewe Mwichafen, a fen mecheres oupwe mochuno non ew sokkun manauen pomen ran me ran, napenon ren mettochun ngun. Sia anneani nouch kewe pukfel, iotek, me fel non ewe chok sokkun napanap iteitan ran me sia kan osukosuk ika pwata sia apwangapwang non pekin ngun.

Ew anen om kopwe tumunu om saramen ngun kopwe achocho ne fori mettochun ngun mi auchea. Nge a fen mecheres kapas nge weires foffor, iei och aurour pwe epwe anisuk ne sopweno ne napeno non pekin ngun: Ekieki usun mettochun kapas allim kese mo fen fori (are kese fori fan chommong) me fori om kokkot ne fori ena iteitan ran fan ew maram. Ka tongeni poputa ren mettoch mi kukkun pun kopwe fen kuna pwe a fen mecheres ne siwini kukkun mettoch ngeni siwin repwe nomotam. Ach fori mettoch me nukun seni met sia eoreni non pekin ngun epwe namot watte nuku me achocho seni pwisin kich, nge nupwen sia forir, sia etiwa ewe Ngun mi Fel epwe nom rech, me sia pwarano wattenon nuku non Semach won Nang me ach mochen sipwe kan ngeni I. Iei ekkoch mettoch ka tongeni poputa ren:

- Fori om kokkot pwe kopwe iotek nessesor me nepwin. Sotuni ne osomong ne iotek.
- Neno mwitir seni 15 minich me anneani pukfel me mwen kopwe no sukun.

- Anneani ekkewe afanafan seni miwchenapen mwichefen.
- Pacheta ew wokisin seni ewe Puken Mormon won social media.
- Ausening ngeni kon mi fel are konen namanam pwe siwinin ekkewe kon ka akausening ngeni.

SEMIRIT

Asamaremo om Saram

Fansoun noom me Greece, a wor ew kitir minne ekkewe chon saa ra kamoch ekkewe fochun ekkei mi tin. Ion a saa unusan ewe kitir ren ewe saram mi chok tin a win. Preseten Uchtdorf a apasa pwe manau a usun ew kitir. Ewe saram sia kamoch ina ewe Saramen Kraist. Nupwen sia achocho ne winiti usun Jises Kraist, sia anapano ach saram.

Met ka tongeni fori pwe kopwe winiti usun Jises me anapano saramen om saram? Fini seni a tettenin mettoch fan:

Emenimen are kapwong ngeni emon a akanaemon

Nom non om song ngeni emon

Tumunu inisum

Urumotei pwimi are fefinemi

Annesosichi ewe soufos

Fangeta nupwen ka mwanino

Anisi emon

© 2015 seni Intellectual Reserve, Inc. Meininis pung mi kawor. A för non Merika. Kapungunon non fosun Merika: 6/15. Kapungunon chiakun: 6/15. Chiakun *First Presidency Message, October 2015*. Chuukese. 12590 901



Napanap mi Pin an Jises Kraist: Uren Tong Ennet

Anneaochu me ikitetek usun ekkei mettoch me kutta met kopwe aporaus. Ifa usun om weueiti usun manauan me angangen ewe Chon Amanau epwe tongeni anapano om nuku non I me efeiochu ekkewe aramas ka kan tumunu non om angangen an fefin chon amwa? Ren fatafatochun poraus, kopwe nengeni reliefsociety.lds.org.

Nuku, Famini, Aninis

Ei ew kinikinin ekkoch Poraus seni Fefin Chon Amwa a anapanapa napanapen ewe Chon Amanau.

Ewe Emwen ngeni Ekkewe Pukfel an awewei tong ennet pwe ewe sokkun “tong mi tekia, pung, pochokun nein meinisin sokkun tong” (“Charity”). Ina ewe ennetin tongen Jises Kraist. Nupwen sia kaeo usun Jises Kraist me achocho ne winiti usun I, sipwe poputa ne mefi an tong mi ennet non manauach me sipwe mefi ach sipwe pwan tongei me anisi aramas usun I epwe fori. “Tong ennet mi ach sipwe engino ren emon a anetipengaua kich,” anon Preseten Thomas S. Monson. “Ach sipwe u ngeni ach mochen ne songokai. Ach sipwe etiwa ekkewe apwangapwang me nipwakengau. Ach sipwe etiwa aramas non ennetin napanaper. Ach sipwe neno seni nikinikin inisin emon me nengeni napanap resap ngaueno ren fansoun. Ach sipwe u ngeni ach mochen ne apungu pwan emon.”¹

Non ewe Puken Mormon, sia kaeo ewe ennet mi nap “iotek ngeni ewe Sam non pochokunen netip, pwe [sipwe] amasoua non netipach ren ei sokkun tong, a watiw won meinisin ir mi netip ennet ne

feino mwirin Noun we Jises Kraist; pwe [sipwe] winiti noun Kot, pwe nupwen an epwe feito sipwe usun chok i, pwe sipwe fokkun kuna i won inisin, iwe, epwe wor ach apinukunuk; pwe sipwe fokkun nimenimoch usun chok i” (Moroni 7:48).

Pwan ekkoch Wokisin

John 13:34–35; 1 Corinth 13:1–13; 1 Nifai 11:21–23; Iter 12:33–34

Seni Ach Uruo

“Emon fefin a keran mano punuwan a fokkun kinisou ngeni ekkewe fefin chon amwa ra fiti i ne netipeta me ra echipa i. A makkei: ‘Ua fokkun mochen emon ua tongeni feino ren pwe epwe anisie; emon epwe ausening ngeni ei. . . . Me ra ausening. Ra chachariei. Ra fitiei ne kechiw. Me ra pwan faropachei ei . . . [me] ra anisie ai upwe tou seni ewe riaffou mi annonnon me netipengau non ekena maram ua akaemon.’

“Pwan emon fefin a awewei usun mefian nupwen a weri tong ennet me ren emon sensen fin amwa: ‘Ua sinei pwe esap ngang emon chok nampa non ekkewe puken uruo pwe epwe churi. Ua sinei pwe a aucheani ei.’”²

Usun chok ekkei fefin, chom-mong Aramas mi Pin Non Fansoun Soponon non unusan fonufan ra tongeni pwarata usun ei poraus seni Preseten Boyd K. Packer, Presetenin ewe Mwichen ekkewe Engon me Ruemon Aposel: “A fokkun akinamwei netipach pwe ese nifinifin ia a feino no ia [ew famini], ew faminien Mwichefen a witi. Seni ewe ran ar repwe war, ewe mwan epwe fiti ew miwchen ewe pristut, me ewe fefin epwe fiti Fin Anisi.”³

ESINESIN

1. Thomas S. Monson, “Charity Never Faileth,” *Liahona*, Nov. 2010, 124.
2. *Daughters in My Kingdom: The History and Work of Relief Society* (2011), 119–120.
3. *Daughters in My Kingdom*, 87.

Ekkieki Usun Ei

Ifa usun Kraist I ach nenien appiru mi unusoch usun tong ennet?